



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1514. usque ad annum 1520

Fleury, Claude

August. Vind. [u.a.], 1769

VD18 90118464

§. 80. Lutheri provocatio a Pontificis Bulla ad futurum Concilium

[urn:nbn:de:hbz:466:1-66414](https://nbn-resolving.org/urn:nbn:de:hbz:466:1-66414)

§. LXXX.

Sæcul. XVI.
A.C. 1520.*Lutheri provocatio a Pontificis Bulla
ad futurum Concilium.*

Aliud adhuc Breve idem Pontifex ad
Wittembergensem direxit Acade- Raynald. hoc
ann. n. 65.
miam, quo eandem ne ab avita semper-
que concupita pietate defleceret, in-
stanter adhortatur, simulque Bullam suam
effectui dari præcepit, indictis etiam pœ-
nis severissimis. Ast hæc schola jamjam
erroneis Lutheri opinionibus imbuta e-
jusmodi minas contemptui habuit.

Ipse etiam Lutherus, cum horum re-
pugnantia suam auctoritatem crescere in-
telligeret, rursus a Papa ad Concilium
appellare præsumebat, questus, se indicta
caussa a Pontifice fuisse damnatum, cum
Papa privatas suas opiniones sacris lite-
ris præferret, ac Concilii judicium decli-
naret. Postea Cæsarem, cunctosque Ma-
gistratus rogabat, ut suam appellationem
pro justa Synodicæ auctoritatis defensio-
ne susciperent; non enim, inquit, existimo,
quemdam solo Papæ decreto adstringi,
nisi prius caussa in quadam Synodo ma-
ture sit discussa. Dabat die decima se-
ptima Novembris: edidit quoque alium
librum, quo articulos omnes a summo
Pontifice nuper damnatos adeo non re-
vocabat, aut errorum suorum quempiam,
suam-

Sæcul. XVI. suamque vehementiam adeo parum
 A.C. 1520. moderabatur, ut etiam veteres hæreses
 confirmaret, novasque superadderet, quin
 imo hanc quoque propositionem pro-
 ferre non abhorreret: *Quilibet Christianus,
 fœmina, & infans in absentia Sacerdotis
 absolvere possunt, omnibus enim hæc verba
 Christi Domini dicta: Quodcunque solveri-
 tis &c. Eodemque furore contra cita-
 tionis decretum, cui tamen non parebat,
 in hæc verba prorupit: „ Romæ com-
 pare Bull. „ parebo, prius tamen exspecto viginti
 damn. tom. 2. „ millia peditum, & quinque equitum
 Propos. 13. „ millia, hæc copix me comitentur, fidem-
 fol. 94. „ que meam testatam reddant. „*

Dum vero in Bulla arguebatur, quod
 quasdam Joannis Hussi propositiones
 tenuisset, ille tantum abfuit, ut errorem
 suum excusaret, prout antea consueverat,
 quin potius Papam alloquens in hæc ver-
 ba erumperet: „ Ita est, nec diffiteor, ea
 „ omnia, quæ in Joanne Hussio conde-
 „ mnasti, ego approbo, & quicquid tu
 „ approbas, ego condemno; & hæc est
 „ retractatio mea, quam mihi injunxisti,
 „ num plura a me postulas? „

Denique non multo post tempore in
 quadam Epistola ad Episcopos (qui ta-
 men, inquit, falso tales dicuntur,) scri-
 psit, quod ejus missio omnino specialis sit,
 atque divina, crescente autem audacia
 le

se *Ecclesiasten* seu *Wittembergensem* Præ-
dicatorem appellabat, dicebatque, „ ego A.C. 1520.
„ ipſus mihi hunc titulum impono, poſt-
„ quam enim tot Bullæ, tot anathema-
„ ta, & Pontificis atque Episcoporum
„ condemnationes mihi omnes avitos
„ meos titulos abſtulerunt, imo & in me
„ beſtiæ characterem deleverunt, ego
„ autem abſque titulo eſſe non poſſim,
„ hinc ad ſignificandum miniſterium, ad
„ quod a Deo vocatus ſum, me hoc no-
„ mine inſignio, illud tamen nec homo
„ nec hominis, ſed Dei donum, & Chri-
„ ſti Domini revelatio indidit. „ Huic
delirio inſiſtens Lutherus a principio &
in toto epiſtolæ ſuæ progreſſu ſemetipſum
ſemper nominavit *Martinum Lutherum*
Dei gratia Eccleſiaſten Wittembergensem.
Præterea ne Episcopi hujus tituli igno-
rantiam obtendere poſſent, palam illis de-
claravit, quod ab eo tempore ſibi metipſi
novum hunc titulum imponat, ad magni-
ficum prorsus ludibrium omnium Episcoporum,
& ipſiusmet Sathanæ. His etiam ad-
didit, „ jure etiam merito me appellare
„ poſſum; *Dei gratia Evangelista*; cer-
„ tiſſime enim Chriſtus Dominus me
„ hoc titulo dignatur, ac pro ſuo Eccle-
„ ſiaſte habet. „